

石
民
四
十
集

石民四十集目錄

卷第六十六

上王霽字制府書四

辛酉

上王霽字制府書五

辛酉

上王霽字制府書六

壬戌

上孫藍石冢宰書一

癸亥

上孫藍石冢宰書二

癸亥

卷第十六目錄

終

石民四十集卷之六十六

防風茅元儀止生著

書十

上王霖字制府書四

辛酉

前者所言墾薊東水田事未竟其說今在徐州
待篙師復詳以聞北直隸乃古燕地志云其水
綢繆故泉源甚多今涿州房山等處皆有可墾
之田山會人及涿鹿馮氏皆墾以致富馮太史

答嘗與晤言因籌之熟矣每銀四錢可開荒田一畝其稍熟者猶可損也每田一頃須農六人計其一歲之費并買麻豆以爲肥具車牛穀種農具共銀八錢可得一畝則始開之歲不過費銀一百二十兩可得田一頃凡費二十萬則可得熟田一千六百五十頃每畝所收精稻可二石五斗最下者二石卽以下爲準而歲收精稻亦三十三萬石矣今京師之價每石值銀二兩

近畿之價值銀六兩六錢卽以一兩六錢計之
而歲得價五十二萬八千矣計兵初練先當爲
治甲冑嘗以精鐵善式計之每副不過三兩則
是五萬之兵十五萬金而可具也復先以十萬
金還內帑餘二十七萬五千金明歲以十三萬
二千金耕已熟之田千六百五十頃以十四萬
三千金加以餘穗雜產之千金而可墾荒田
千二百頃是歲所收可得精稻五十七萬矣蓋

京師四方輜輶華貴奏集所用精粹歲不下數十萬故初歲驟增三十餘萬價必不得減至次歲若虞其太多價不能登則江南嘉湖蘇松常五府歲俵白糧數十萬公私之費不止一兩六錢令其以此數折之有司大戶無不欣從近畿精糈過於南米卽御饌之需亦用此米以之祿百官贍六宮養內豎未有反爲不可者使南糧不至則京師歲欠數十萬卽歲復增數十萬價

亦不得減計其次歲之息旣有九十一萬二千復以十萬還內帑餘八十一萬二千則議改所養士半爲騎卒計張家口之上馬價不過十二兩計馬二萬五千匹費不過三十萬餘五十萬餘金爲治火器製弓弩鋸刀戟人費十金而大備矣是不出二年而內帑之母金可還戰馬戰具值將百萬二千八百五十頃之田熟在近畿三歲尚可益墾三歲之外守之足矣蓋京東之

田未墾者不可勝計以所知之地而籌之不下
三四千頃此不憂地不足方不集者自此以爲
民倡則漸無不墾之地蓋幽燕一帶自石晉陷
於戎狄故久廢水利今復歸版圖將三百年且
乘輿所在乃爲甸服供秸供米自其常貢極宜
乘時修復以爲萬世之利則此舉不特爲戰士
治具而且爲根本增富爲東南寬民力其利不
可一二數也唯明公斷而行之儀伏在深林見

旅於燕者歸道千箱之盛一二年鄰之父老子弟無破家危身僕事挽糧之苦私衷幸甚天下幸甚

上王霽字制府書五

辛酉

語云士爲知己死若明公之于不肖可謂知己矣夫以可死之身豈不欲効尺寸而輕于去國日遠麾節然其故亦難言之矣唯可與知己告也自國家懸三途以取士曰科舉曰歲貢曰薦

舉至科舉而干進不休士節盡矣然羣天下而受朝家之籠絡必不使難進易退之節得獨持以抗慶賞之典故俛首而爲之人不以非已不以媿至科舉不得而守歲貢挨年循日士有赧色然以之引守約之士消壘塊之懷 聖天子

有深意存焉及薦舉一途所以待非常之士而備緩急之需者也 祖宗朝以此舉者不啻繫纍自吳興弼陳獻章之流擁天下之盛名而不

能救一時之極敝科舉之士相率而詆之而此後薦舉者遂罕人知二子以薦舉起家而不知二子所以塞薦舉之路也肅皇帝慨然憂之故于南郊禮成詔告天下申明三途並用之說欲以緇衣招隱之士鼓天下之志士而是時莫以應也自此百年以來間一舉行而皆者儒宿學僅能編纂著述而非能發杼機妙補益天下者也故其人遂絕頃自遼左陷覆以來科舉之

士不足以辦此始有鯨鯢焉思之者然以其罕
見反指之爲倖進驟發而不知已之科舉岌岌
于有司者其干進之陋不止于此也使其人而
不能爲科舉之學則亦覲顏任之耳苟其人能
爲衆人之所爲而使衆人之我咻此雖死而不
甘然天下事急矣國家之功令又與唐異唐之
科舉歲舉之而今之科舉三歲舉之及三歲而
天下事已盡去矣况其人之升沉得喪又不可

知乎則不如從戎戎者士大夫之所鄙也庶幾
不與之爭然從戎亦難言矣參遊副都班在郡
守之上國之貴爵也而爲之者皆奴隸之流項
以特舉授副將者一人叅將者一人遊擊者數
人都司者數十人而其人無足一當者頃者勳
家子顧大猷庶幾可効一臂而樞部以勳家子
一布衣耳割其府銜無府銜則望奴隸之元戎
稽首若喪角志士不能爲也今儀承明公曠世

之知欲以兵曹郎相待朝廷之上有知之者三
三天老臺省皆紛紛繆薦于朝身居輦轂之下
若待用然本以憫國卹殉此身之意而冒因國
卹顯此身之嫌此人雖不言而已不能無媿于
衷者也故卽引去國門而與宋獻孺遇知畊公
之念我者不忘也及傳來旨以築邊險裕邊儲
二策相詢夫以畊公之威靈使後進之士得借
其聲華而竭其犬馬之力當蓄練銳士三萬

戰而復故疆再戰而掃奴穴因其銳還師取舊
遼陽雪漢武四年以來未雪之恥爲聖天子
顯威聲于東裔耳至于因戚少保之舊績修明
其職業增葺其未備使遼左縱有不虞而神京
如泰山之安因百萬之軍需歲三其息可以養
兵五萬而不費縣官一錢其法不必如劉晏之
舊瑣屑徵逐但操鑄錢之權徇芻茭之便利可
垂手而得此明公不煩指顧之事而亦二三軍

吏之常職也唯明公命之而已豈乏人哉今經
撫之才俱不任而強弱之爭紛紛不休河西之
事坐見其敗及至明年三月潰師叛卒踰山泛
海而奔雖有智者不能救一日之急及今而圖
之猶可爲也明公以貴不能踰之身而當七十
餘歲之日晝夜焦勞豈有它哉亦欲以報三朝
之培植而奠宗社于不傾也決計而加意此其
時矣不肖儀旅人少僮僕不能遣一介之使奉

出禦魑魅朝端貴人或不見忌且清議已昭明
公一訊而知之儀不望明公踐宿諾加大將卽
以孫冢宰見擬之官一當前伍移安爲危移逸
爲勞或亦愚人之心而天下之所亮也唯明公
不惜入告吾君元儀藉明公以酬國恩藉公事
以報私知雖死之日猶生之年矣承揭呈覽

上孫藍石冢宰書一

壬戌

元儀歷見公卿亦已衆矣願望隆聲固無出明

公之右而顧瞻窺仰亦真無出明公之右者况辱折節下交此簪入所願延頸而爲之死者也儀雖將隱萬不敢當公大將之選然敢無片語自盡于左右但中夜思之無他奇也事急則貴實爲實爲則貴專責兩言盡之已今日之事不能計其遠者願明公卽從已題之五千四百人合爲兩旅設一專帥分爲兩營設二叅將三人者旣定然後責興首擇守備以統千人守備自

擇千把百總以統行伍將已定然後擇兵兵可用
用沿海之悍夫廬鳳之健卒而必不可用南中
柔脆內顧之土著兵逃則將誅不當預爲之計
而勞士以殉下今所投軍餘願入巡邏而不宵
補戰伍其意較然可知卽欲不別爲措置不可
得也至於收江海之驍勇當得其頭領方易爲
撫馭鼓必戰之銳氣當別置器械方可當大敵
此二事者元儀聯絡十餘載考求非一日前已

面陳其槩其詳則未敢遽及也但馭將有體春
問上高陽相公一書奉呈乙覽高陽已行其大
半願畊公盡茹其言士莫不願自効于畊公矣
別有一書乃去年冬上福清相公者儀於知已
亦云敢盡言矣而終不足救禍敗萬一念之心
痛唯畊公虛衷盛德敢并呈教

上孫藍石冢宰書二

癸亥

伏聞吾師榮晉冢卿復筦亞相自此百官肅而

朝廷尊風憲正而萬方安是非廟而邊臣懼中興盛業拭目望之敢爲宗社斯民舉手如額儀叨藉餘光辱知樞相隨閔寧遠獨探胡境四十五日之中盤旋二千餘里築邊規模約略已定固守有餘進取有機始還關上從事幕中又復逾月疎候左右罪歉罔極明年甲子下元之首否斯爲泰守以追創千古一時儀何幸而逢其盛伏冀順迓百福速弼洪圖至於犁掃之事仰

藉秉鈞賞罰明于上紛囂鎮于中儀雖不肖辱
吾師不世之知卽斫胸陷骨不敢譖避未敢安
於蓮幕微倅便私也臨風瞻戀不任惶悚

石民四十集卷之六十六

終

石民四十集目錄

卷第六十七目

上閻鳳陽中丞書一

壬戌

上閻鳳陽中丞書二

癸亥

上閻鳳陽少司馬書三

乙丑

上閻鳳陽少司馬書四

丙寅

上閻鳳陽督府書五

丙寅

上閻鳳陽督府書六

丁卯

上閩鳳陽督府書七

丁卯

卷第六十七目錄終

石民四十集卷之六十七

防風茅元儀止生著

書十一

上閭鳳陽中丞書一

壬戌

元儀雖久伏林臯無繇仰青天而睹白日然從四方之士竊潤餘光非一日矣友人費生幼輝喬生定侯每傳近刻至乘常不一日三讀夢寐以之思執鞭而無從今年遼齕以來讀公車疏

牘目踵氣咽未有如大疏之深切著畊也其一日三讀夢寐以之思執鞭而無從更甚於笞焉竊聞廟堂之論設險距守不踰渝關一步私心憂之曾上書制臺力言其不可未旬日而得讀樞相之疏知大計決於明公而節鉞之命亦隨以之舉手加額北望稽願爲宗社慶儀迂書生耳然嘗言人所不敢言欲爲人所不敢爲雖以此賈禍不顧也渡河之舉去年之長計也但王

撫軍非其人耳脣敝齒折言兩公之必不可用
是時分左右袒算肯盡與之乃具疏請逮經略
以爲撓旨賣國者之戒若俟事潰則疆場去矣
雖殺十經略無益也當是時知拜疏卽有西市
之行然得從陳東歐陽澈於地下儀願足矣乃
疏已成而福清所擬會議之旨已下初之會議
爲欲撤經也恐不知者以儀爲附合政府遂拂
衣出國門知屢薦議用之明旨狂鄙不顧也及

出國門而知會議凡三變憮其疏之不上乃以正月間復爲疏馳上託友人宋獻孺上之及疏至長安而廣寧已破經撫已逃朝議紛然獻孺遂不復爲上其稿至今猶在長安也時在白下聞經略焚高監軍屍淚迸腸裂乃設位以哭之而爲祭三忠文此文出忠義之士亦頗爲之鼓掌而惡者滿朝禍遂結矣雖然儀不憲西市一行從陳東歐陽澈於地下者豈復顧彼已之子

舍沙之口哉頃南冢宰孫公賞其言合衆議而
將之擬以副將使統君子六千拱護陵京元儀
竊不敢也元儀玷名藝苑亦已久矣它不敢望
三年一入棘闈必有一日之遇卽白晉一經而
江南重舊名士以老書生偃蹇林皋亦不寂寞
困辱今欲使兜牟而彌縫則披堅執銳爲士卒
先以之洗庸將之陋爲明公之先驅則死之日
猶生之年耳使擁旌秉鉞於江南華褥之地豈

志士之所爲乎伏念畊公旣當此任必亦欲天下同心之士使共効其犬馬之力則如元儀者使以怯書生爲天下勇士固不亦可乎故敢不避未同之嫌上塵清聽亦仰知吐哺之懷勝於恒人萬倍也使不鄙遺得爲入告吾君不欲効近日諸弁邀加銜而出塞以冢宰現擬之銜使備前驅無問廣寧寧前前鋒所及卽以爲晉衝素造車式不同於時甚適於用如可採擇使之

專督練成車兵步步爲戰想石畫之所必及也

小揭上陳伏冀鑒枉

上閩鳳陽中丞書二

癸亥

嗟乎世負人亦至此哉雖然此非朝廷負人也乃議論負人耳朝廷負人唯有蹈東海耳若議論者則朝否而夕可甲非而乙是唯實功可以勝之今關上之實功如清冒濫肅紀律安營伍布水陸其彰明較著者種種也然而終不能以

勝議論志士焉得不扼腕興悲哉雖然明公之
志在恢復則遼土一日未復明公一日未自以
爲功也元儀在菰蘆時不問當事之長策唯竊
語人曰以其遠救毛文龍不如近救祖大壽以
其遠應彌弔堡不如近守覺華島人聞其言未
有不河漢之者兩臺郡邑以春初之命敦迫上
道至吳門見督師公疏始知明公已久持此論
矣恨在菰蘆之中無繇仰知而泄泄趨朝以少

關其末論至滁陽知長安騰口於明公矣嗟乎
危關何地此日何時暫綴樞機以需危急在明
公又何憾焉而覺華之說至今浮沉失戰守之
機忘三敗之耻凡有心血男子在千古之下亦
當憑吊而痛况元儀者辱明公之獎借蒙督師
公之特達以此事見委者耶元儀自趨朝卽辭
一銜所以明本志也若使當危蹈險爲明公畢
此局附青雲以報舊知豈非至願今道傍築舍

豈能逐入眉睫耶言之痛心耳白雲青山自有
長業戰者在平島守者在一牆當今之豪杰自
足以辦當今之事今奉命而來秋防未竣不敢
言歸稍俟旬日便作拂衣之計長負聖恩長負
知己以此息影山中殊無顏面然而其志則可
對二祖十宗於天上矣無繇仰覩一罄區
區偶便奏記不盡衷曲

上閻鳳陽少司馬書三乙丑

東奴之所以不來西虜之所以遠徙者以我守
覺華島以守寧遠耳而此議實誰創之使早以
創議者持議當已犁長白之庭矣儀之來原以
協將調守覺華以規進取蓋以行明公之志也
而此中紛紛將必不能展布故逡巡不前從事
幕中繼往募舟師頗得水犀之銳艨艟之具今
春有薦儀爲金復大帥者亦終明公之志也而
又爲南樂公所阻坐失事機今以後猶皆可爲

之日也而竊聞新當事又欲以固守爲上策奴
何時滅天下何時息肩壯夫志士何時冷熱心
而安就訟也所幸簡在眞人以佐樞務將來事
機灼灼可見然明公久在內天下事不可慮乎
夫難得易失者時也難聚易散者兵也時猶可
待兵猶可聚而艨艟一散不可復收拾儀去矣
空山朱絃無意知音矣然不能不低徊於明公
之前也

上閻鳳陽少司馬書四

丙寅

三月以來不敢上通左右者以去國之人誼不可嘵嘵耳今一旦事已至此曩儀謂畊公出遲則天下必受其禍今不幸而中往撤錦右車兵之時儀曾奏記涿鹿相公謂奴必乘其弱今不幸而中去冬邊報正棘儀曾答謝中丞下問曰奴來必在明正而不在于今冬今不幸而中往儀上箋典記謂艨艟一散必不可復今經略果汰

水兵六千民船三百以至兵不用命而覲華有警遂潰而逃矣夫旣革其船稅汰其兵伍而責之死守必不能也今覺華一失不唯寧遠坐困而關門便無完理奴不必乘舟而入寇也以大兵至中前而放數十艘向南海口秦王島關上復有一人乎大兵趨三輔而以數十艘趨大沽則天津必潰我師寧復有出路乎况在島糧糈三十萬石火藥鉛子各數十萬斤戰車數百輛

戰牌萬餘扇砲車數十輛大鏡追風三眼鎗勁
弩良弓各以萬千計向以水中爲最穩故盡以
貯精利而今竟委之危乎否乎今日之事苟無
一奇着則事必不可爲想舉朝尚未知而畊公
當獨悉之也奇着亦無他迎之於水而已然登
州旣遠而天津可用之戰艦不過五十豈能成
一旅幸而有一奇則運船中有沙船一百淮船
二百可用也其船皆堅緻而又大於兵艦津門

運船七八百每苦船多粮少年止兩運爲利不如督而今之關運亦必可減則此三百舟實可爲兵艘此船既大每船當三十人卽取之隨船水手及責各船自爲招募可足其得兵六千人餉取之舊額船稅亦仍照量頭與之國家不加費而又無遠調之勞稍用安家則遵化近例可比再調大沽葛沽兵船一百令速修葺合兵四千以爲後勁合二者共得兵一萬船三百選一

能者付之便成。一軍只事必於三月中定則乘此月氷開盡放出海奴必不敢復用舟師以撓我而我反得繞出其後奴不惟不敢長驅而且反顧宗社安危在此一着而稍遲則事必無及軍火器械當責備於津門有兵糧同知張懋德者可責成也儀又欲先使十數船密焚在島之舟以及火藥糧料已告大沽游擊黃胤恩而未祕其能辦也此事儀見之極真唯明公能信之

儀身雖去國何忍忘君况知明公必已深慮及此而未知此中有可救急之奇故敢令舊部曲守備楊止戈同中表都司丁貞上陳左右楊止戈乃喬伯珪心膂之士頃儀募舟用之後補喬桓中軍警敏勝人今適奉檄往登催漂船故得在此丁貞雖年少而勇敢忠義其職銜乃岳石梁先生所授者儀方束裝以南又避嫌疑不敢面陳故令直弁述所不能悉唯明公鑒在

上閩鳳陽督府書五

丙寅

郭子綦來辱惠書推獎過格念之流涕未知此生何以仰稊知已以爲旦夕僭重督師當奮死前行以快宿志乃竟以四鎮爲賴此天意淵微成吾大業者遠也昨讀大疏欲開重鎮於島中選名將以鼎峙調海外之游師扼益套以持勝此儀區區之見自謂及此人賤言忽算爲過聽無論蓋州之後昨歲將率衆以發而一言被阻

奇功遂廢卽覺華調船調兵一事不揣言之數月揆地誤聽得奉屢旨而彼中耗事者亦且以兵三千船百五爲言况長安道上人乎今日覺華之慮未在得其用而在先恐失其險非明公莫爲道破蓋州一着儀尚欲據城以示必死而明公容以長生免兒爲老家則其機甚活其着更警拔然度其人必不能應也使得收拾覺華以爲根本遲數月之後須彌者終不來請以付

之能者而身入連雲以扼其吭自謂此役竭囊
底之智奉成算以往可不負明公知已不知明
公終許之否耶喬桓至此天乎天乎烏棲無枝
枉明公一盼耳臨箋皇悚

上閻鳳陽督府書六

丁卯

元儀謹啟元儀甫得執戈以爲先驅而徒蒙恩
放身雖出於九死魂已墮於九淵十八相詞階
削否曾不足爲榮辱而空負前茅之志不酬附

鳳之懷從往熱心俱爲虛氣此中夜彷徨恨死
無地耳今幸明公當軸逆奴讒魄平安之火日
傳緣沉之鎗久臥儀竊伏草莽已有餘榮但似
明公籌策亦有用而未盡之處使東江大衆早
徙長生則鐵山之破可免使一介往來稍需捷
後則取侮之形不張今欲驟撫而不得付一鎮
于飛烟恐將來之事尚煩籌邊樓一夕此儀雖
伏在草莽亦中夜彷徨因憶明公覽華屯重兵

選名將之議卓絕千古惜儀非其人不足當此
寄以致隕越使有萬餘水犀數百艨艟使癡膽
如儀而望實過儀者將之則縱未能大舉而於
無事之時可時出擾其耕穫有事之時可呼吸
搗其空虛今俟東江之報已至乘虛之詔方頒
則虛者已實失之萬里何以仰塞明詔何以包
荒屬國何以使島中五百復建旗鼓何以使組
練三千無負布帆此儀雖伏在草莽中夜徇惶

不祥名姓久稽專候欲訴其痛逡巡不敢以戚
屬陳生上赴和門附以奚奴聊申難敬它牘哀
鳴總希垂憫

上閩鳳陽督府書七

丁卯

元儀頓晉頓晉死罪死罪往者元儀尚在菰蘆
而督師相公題以副將原銜招募舟師駐覺華
夫守覺華者明公之議而督師公行之者也儀
竊聞之甚悉故趨召行至滁州知明公已行儀

憲曰中丞公行則寧遠誰主守寧遠不守安用
覺華又安用舟師水將以菰蘆入玷塞哉故過
闕之日具疏力辭溫答不允疾驅赴關而終不
敢遵旨履覺華之任隨從大軍出關力主寧遠
當守幸而督師相公俯從當明公已行朝議方
聞張撫主前屯馬帥主中左此非所望也故袁
自如意來能回督師相公之心儀焉能回
督師相公之心但能爲東朝射的故諸公陰刺

陽擊儀者刺刺不休瀕死者屢矣而督師相公
以儀旣贊失寧遠則當効力覺華復責以募事
儀竊以募何必儀極儀之才力止可省金錢而
省金錢亦非封疆第一義故請師三千駐於長
生島其所規畫亦略如明公昨年大疏袁自如
力贊之相公已悅而適有蓋州弁楊朝文者謂
長生島冬月冰闊六七里儀以冰不愈於地乎
亦可畫守而相公終好慎儀又粗疎不知有忠

島者冬月不凍可以爲老家遂無以奪相公之
慎而募事終不可辭矣幸而所賚金錢五六萬
所節省者已再倍之南樞兩撫咨牒具在而督
師相公正以節省數千金入告其五防所改題
詞階亦不敢求覆何也耻以省金錢爲封疆之
職業也次年春初李雲游兵垣有加儀大將責
取金州之疏奉旨速覆儀曰以其取金不如取
蓋取金入無入之地不足作士氣據無險之地

不足合士心取益則益有西虜降奴者亟二萬人率以東虜一人重鎧兼馬帥其百其百之西虜戰始授甲馬弓矢返則徒手耳使一旦出其不意則方饑而憤可降也否則屠耳雖西種耶然降東則東矣東之十餘萬豈十一爲本類哉誠三萬則聲勢壯據益則前憑山而後阻海憑山之勢尚小阻海之衆必死如此而海可搖也得海則遼陽自徙耳而金復處我囊中移鐵山

桐油三萬斤鋼三萬斤鉛八萬六千二百斤上
鐵二萬斤次鐵二十萬三千五百斤畊公諸於
軍需其有可容虛冒否耶今坐以招兵安家銀
二千二百四十七兩五錢關門安家有十八兩
十五兩十兩者而此則五兩其例追人一兩則
同坐以造車銀四百三十兩關門之車有費至
五十兩者此車所費多不及七兩餘其例追則
同坐以買鐵銀六百五十五兩五錢鐵有西鐵

有建鐵其價懸絕此鐵自南而來皆建鐵也而以斤分二厘例之則同坐以買鉛銀一百六十六兩四錢鉛有時貴時賤此當遍地鼓鑄之日而幸買於所聚故所費止此而例追則同此四者已爲三千四百九十九兩四錢而外開坐喬桓中軍楊止戈銀五百一十六兩尚不知何所指也往者金錢儀原未曾經手押解者爲趙大將軍之子光遠收貯轉發者爲南樞操院應撫

儀不過一爲調度耳故今日幸不坐於儀而坐
於原領銀委官趙光遠張士奇翟世顯蕭本此
輩往時實未嘗有分毫沾潤徒許以優敍以作
其廉耳督師公究竟惟爲光遠敍耳自白衣而
都閫今且叅戎矣然而蘇君之時儀何敢言其
張士奇則陣亡覺華島矣袁自如已爲題卹未
沐纖恩又將問其家乎其他弁旣未濡實利又
不被虛名責以派賠身家盡滅矣儀前見梁疏

知必不免令僮走探關廳受人之嗾置之犴狴
不知正不必也儀斷不忍累入耳但儀家已盡
廢無可爲役然關臺迫於嚴旨幾於坐派已有
成命復何敢言獨是張士奇者爲三千總之一
則安家應於彼名下追七百四十九兩一錢七
分今似可寬也儀於事竟銷筭之時關內道筭
過應找還透用銀一千五百三十兩五錢已經
督師公奏繳督師該道衙門俱有案卷可查儀

在關公廩不足養士窮困萬狀終未敢具領此銀以此役所賠者萬金辭十萬而受萬實耻之也今旣照則減追則實未領足前銀此似宜對銷者也今幸畊公爲政洞鑒顛末開其一面止在鑿款之間而内外信孚可無事後之慮此正奇痛之夫百年一日也敬令各委具一呈詞倘蒙憶始用之盛心忍成算解之罪案念規恢之苦志竟爲不白之奇冤曲壅溢格行道一查細

簡原卷果否有透用之銀如果有則旣經減追應否對銷張士奇是否龍武中營領兵三千總之一如果係千總今旣陣亡應否開銷所追本營安家二分之一倘得及於寬政尚有一千二百十九兩七錢三分儀已謀棄先人敝廬爲諸弁了此局矣但托賚不敢得爲於撫夷應領銀一爲坐會彼此均便感滲皮骨而此外猶有懇者則喬桓中軍楊止戈下五百一十六兩不知

何所指得無減其船稅耶此船稅乃守凍天津
例應照月給與督師相公深怒喬桓故必欲以
抵關之日爲始乃僭帑金五千修艖過海而於
下月扣之此亦非法也然已扣矣所未扣尚有
三千餘兩今船已焚矣入已屠矣桓尚僭寧前
道下三千金已蒙袁自如開銷則關內道其一
體者也所僭之三千餘金尚當開銷又可追其
例減溢數乎恐難問之永濱此事在儀交兵還

營之後與儀無涉但事理實本如此而喬桓父死身危幸延餘喘以養老母父子久在門屏朝公知其底裏如欲使代寃魂賠三千餘金縱滅其一門勢不能也畊公念其先忠在此日矣元儀不知進退方自乞哀又爲人饒舌亦以唯畊公前不敢不盡耳金魚俎肉延頸恩私淚以和墨不知所云

石民四十集卷之六十七 終